


Bibel fa Kjinja  
brinj't junt  
Daniel un de  
Wundaboara Droom



Jeschräwen von: Edward Hughes  
Jemolt von: Jonathan Hay  
Toom Paus j'estalt von: Mary-Anne S.  
Äwasat von: Ed Zacharias  
Häajestalt von: Bible for Children  
[www.M1914.org](http://www.M1914.org)


BFC  
PO Box 3  
Winnipeg, MB R3C 2G1  
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,  
soo lang aus du dee nich vekjafst.


1

De Kjennich Nebukadnezar haud eenen Droom, un  
dee baudad am sea. Gott holp Daniel, daut hee däm  
Kjennich sajen kunn, waut de Droom meend.




2

Ieescht vetald Daniel däm Kjennich waut hee jedreemt haud. "Du ons Kjennich, sachst eene Jestault. Dee wia sea groot, un dee wia dach un blenkjrich."



3

"De Kopp von de Jestault wia Golt," vetald Daniel am.




4

"De Brost un Oarms wieren Selwa," säd hee wieda.




5

"De Buck un de Hoften wieren Brons."



6

"De Been wieren Iesa, un de Feet wieren een Poat Iesa un een Poat jebrendet Leem."




7

Aus Daniel däm Kjennich de Jestault beschräwen haud, säd hee waut doa jeworden wia.



8

"Aus du doa kijjst, sachst du daut een Steen loos-jeschnäden wort, oba kjeen Mensch wia doabie," säd Daniel.



9

"De Steen troff de Jestault, un veschluch däm de Feet, dee von Iesa un Leem wieren."




10

"Waut von de Jestault bleef wia aus Sprie, un de Wint neem daut met." Un dan säd Daniel, "Un de Steen dee dise Jestault troff, wort een groota Boajch, dee de gaunse Welt oppfeld."



11

De Kjennich staund! Daut wia krakjt waut hee jedreemt haud. Woo kunn Daniel daut weeten? Blooss wiels Gott am daut jesajcht haud. Un dan säd Daniel däm Kjennich waut de Droom bedied.




12

"Gott em Himmel haft die daut Rikj, daut Rejierungs Rajcht, de Macht un de Iea jejäft," säd Daniel toom Kjennich. "Du best de goldna Kopp."



13

Daniel säd daut daut goldne Rikj wudd een Enj haben. Daut selwane Poat meend daut een Rikj kjeem, daut nich soo stoakj wia. Un daut bronsne wia een dreddet Rikj, un daut Iesa un Leem bediet een vieedet Rikj.



1. Rikj


2. Rikj

3. Rikj

4. Rikj

14

Daut latste säd Daniel  
däm Kjennich, "Gott  
em Himmel woat  
een eewjet Rikj  
oppstalen."



15

De Kjennich vestunt daut  
blooss Gott kunn Daniel  
wiesen waut am jedreemt  
haud un waut daut bedied.  
Nebukadnezar jeef  
Daniel diere Jeschenkja  
un stald am en een huaget  
Aumt en sien Rikj.



16

Daut 1.,  
daut 2.,  
un daut 3.  
Rikj sent  
aul  
aula  
jewast.  
Dan kjemt  
Gott sien 4.

Rikj, wua  
de Messias  
de Welt  
rejieren  
woat. Well  
wie ons  
doatoo  
freien.

17

### Daniel un de Wundaboara Droom

Eene Jeschicht von en daut Wuat Gottes,  
de Bibel

finjt eena en

Daniel 2

"Wan dien Wuat openboat woat,  
jeft daut Licht." Psalm 119:130

18

Daut Enj

Dise Biblische Jeschicht sajcht ons von onsen wundascheenen  
Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind  
nant. De Strof fa Sind es de Doot, oba Gott siene Leew fa ons es  
soo groot, daut hee sienen eensjen Sän, Jesus, schekjt, daut hee  
aum Kjriez stoawen sull un de Strof fa onse Sind nämen sull. Dan  
stunt Jesus vom Doot opp, un fua no sien Tus em Himmel! Wan du  
dän Gloowen aun Jesus hast, un am frajchst diene Sind to  
vejäwen, dan deit hee daut! Hee kjemt dan un läft en die, un du  
woascht opp emma met am läwen.

Wan du dit jleewen kaust, dan saj to Gott:  
Leewa Jesus, ekj jleew daut du Gott best, un worscht een Mensch  
toom fa onse Sind to stoawen, un daut du nu wada läfst. Komm en  
mien Läwen un vejeff mie miene Sinden, soo daut ekj nu nieet  
Läwen haben kaun, un noch emol opp emma no die kom. Halp mie  
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

20